



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

IX. Die Markgrafen Otto und Conrad vergleichen sich mit der Stadt Prenzlau über die Bede-Erhebung, das Schulzenamt und die Zollentrichtung, am 30. November 1282.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

campis metarum ciuitatis sue quam in foro, vicis, teatro et plateis omni iure plenario, quemadmodum Burgenfes nostri ciuitatis Stendaliensis et Gardelagenfis more Magdeburgenfi confueverunt, fua iudicia iudicare et confagitationes exactionum facere non alias, quam ficuti ciuitates noftre dederint, que plenarium ius poffident Magdeburgenfe. Promiffimus namque quod ipfos predictos Burgenfes nostros fpecialiter uelimus iugiterque pro poffibilitate nofta protegere, et in iure fuo beneuole ac perhenniter conferuare. Huius rei testes funt milites noftri Bertramus de Benitz, Bertramus de Eckfede, Fridericus de Eckfede, Johannes de Gripheberge, Johannes de Stegelitz, Johannes de Oldenulete, Theodoricus de Kereow, Johannes de Bryfeuitz, et alii quam plures uiri nobiles, fide digni. Ne uero hec nofta perpetualis donatio a noftis fuccefforibus irritetur, prefens fcriptum Burgenfibus noftis predictis ciuitatis Primflaviensis tradidimus, figillorum noftorum munimine roboratum. Actum Gyreswolde Anno Domini M^o. CC^o. LXXVIII^o. Nonas Nouembris. Datum per manum Domini Meynardi, noftre Curie Capellani.

Nach Beckmann's Abfchrift des Originals.

IX. Die Markgrafen Otto und Conrad vergleichen ſich mit der Stadt Prenzlau über die Bede-
Erhebung, das Schulzenamt und die Zollentrichtung, am 30. November 1282.

In nomine ſancte et individue Trinitatis. Otto et Conradus, Dei Gratia Marchiones Brandenburgenfes, omnibus has litteras inspecturis ſalutem in Domino ſempiternam. Quoniam omnium habere memoriam potius eſt diuinitatis quam humanitatis, expedit ea, que donantur a Principibus, ſcriptis authenticis roborari et ſortiri robur perpetue firmitatis, ad remouendam omnem Calumniam et malignorum hominum aſtutiam, que circa ipſorum donationem poſſint futuris temporibus fuboriri. Inde eſt, quod notum eſſe uolumus uniuerſis Chriſti fidelibus tam preſentis temporis quam futuri et tenore preſentium publice proteſtamur, quod cum Burgenfibus in Prinzlauia nobis dilectis, mediante diſcretorum uirorum noſtrorum prouido Conſilio et maturo, placitando conuenimus in hunc modum, uidelicet, quod ipſis dedimus libertatem a feſto Martini proxime nunc futuro per quinquennium irrevocabiliter duraturum, uolentes ipſos hoc durante tempore a qualibet exactione ſive petitione exactoria penitus eſſe liberos et exemptos. Expleto autem predicto quinquennio iidem Burgenfes Centum Marcas Brandenburgenfis argenti annis ſingulis perpetuo nobis dabunt, duobus terminis ſive diebus ad hoc ſpecialiter deputatis, in feſto Martini uidelicet quinquaginta Marcas, in feſto Walburgis proxime ſubſequenti quinquaginta marcas ſimiliter nobis dabunt, debentque eſſe liberi et ſoluti ab omni exactione ſive Petitione exactoria vel quocunque nomine cenſeatur. Neminem autem infeudabimus pecunia iam premiſſa. Item ſi aliquem ex nobis captuari contigerit, quod Deus avertat, tunc predicti Burgenfes ad redemptionem illius, qui captus fuit, dabunt ſemel ducentas marcas et non amplius et ſic debent eſſe liberi et ſoluti. Item predictae ciuitati Prinzlauie Burgenfibus nec non ſucceſſoribus eorundem dedimus, ut habeant infeudatum iudicem ſive ſchultetum, uirum hereditarium cum ipſis in Civitate Prinzlauie Commanentem.

Nos autem ipsum iudicium sive prefecturam emere non debemus nec aliquis vice nostra, et nullus advocatorum nostrorum acquirere debet iudicium memoratum, in statuque eodem dicta prefectura manebit perpetuo, secundum quod stat tempore iam presentis. Item predictae civitatis Burgenfibus et eorum successoribus promissimus, ut non aliquem aut aliquos ex eis specialiter vel generaliter aggravare debeamus in quibuslibet excipiendis et mutuo contrahendis contra cuiuslibet liberam voluntatem. Item si contigerit aliquem ex fratribus nostris aut filiis ad militiam promoveri vel thoro legitimo copulari, ad haec predicti Burgenfes nec non eorum successores nihil nobis dare ex debito tenebuntur. Item si predictam civitatem alicui ex fratribus nostris aut filiis aut alio domino in posterum dimittere volumus, is, cui ipsam civitatem dimiserimus, fide data promittet, omnia prelibata inviolabiliter observare, roborabitque sui sigilli munimine presens scriptum. Item prefati Burgenfes Carbones et ligna, de quibus indigerint ad usum et necessitatem suorum ignium, que in terra Pafewalck compararint, ita tamen quod ea non emant a Burgenfibus de Pafewalck, absque Ungeldo ducent fursum Ukeram ascendendo, nec advocatus, Officiales aut nuncii nostri impediunt in eisdem. Item aqueductus in Nedam, nominatus teuthonice eine Vlütrenne, et similiter aqueductus in Pafewalck, si prefati Burgenfes ipsum reparare decreverint, stabunt ad idem jus, ad quod stare temporibus patris nostri Marchionis Johannis clare memorie consueverunt Molendinariique eos tenebunt et cum denariis illic receptis de descensu et ascensu navium ductus aquarum prehabitos, cum destructi fuerint, reparabunt. Supra dicta omnia ipsis inviolabiliter observare, promissimus fide data pro nobis, nostris fratribus ac successoribus universis. Promissimus etiam, quod nullus ex fratribus nostris suam partem hereditatis debeat aliquo modo acceptare, nisi prius promittat, quemadmodum nos promittimus fide data et suis sigillis roborat presens scriptum. Preterea servandum duximus firmiter et tenendum, quod si quidcumque de Premissis omnibus infringere, quod absit; ex tunc dicti Burgenfes liberum habebunt arbitrium, ut una cum quatuor advocatis nostris, videlicet leuenwalde, Pafewalk, Stolp et trans Oderam, cum civitatibus, Oppidis in ipsis sitis et Vasallis nostris ipsas inhabitantibus universis libere se divertere poterint ad alium dominum, ad quem duxerint divertendum, donec injuria et violentia per nos, fratres nostros et successores facta fuerit integraliter retractata. Pro hujusmodi quidem libertate et omnibus aliis articulis premissis prefati Burgenfes nobis dederunt mille quadringentas quinquaginta et undecim marcas. In supra dictorum siquidem omnium evidens testimonium et cautelam presentem paginam fieri iussimus sigillorum nostrorum impressionibus consignari, adhibitis nihilominus testibus idoneis, quorum nomina sunt haec: Bertramus de Bentz, Betheko de Eestede, Johannes de stegelitz, Dapifer curie, Hasso de Wedele, Henricus de Bellinge, Buffo de Kockstede, Willekinus de Kerckow, milites, Johannes et Betheko, sculteti dicte civitatis, Hinricus Ruffus, Gerhardus de Bismarke, Conradus Vinitor, scadelove, Henricus de Lughe, Rudolphus de Scheninge, Gerengerus, Scabini, Albertus de Brunswich, Johannes de Brunne, Johannes Faber, Conradus Campfor, Heiso et Theodoricus Fratres pelliciferae, Johannes de Kolene, Arnoldus de Kolene, Hannemannus scriptor et Meineko socius suus et sui filii, Burgenfes, et quam plures alii fide digni. Datum Girsvalde, Anno Gratiae M. CCLXXXII in die sancti Andree apostoli, per manum domini Johannis de Brunschwich, nostre Curie Capellani.

Nach dem Copialbuche der Bresl. Bibl. J. F. 31. Blatt 11—15. Sect's Gesch. I., Urk. Auf. 157.